

OFF Youth Experience – OFF_YE

Juli 19-26, 2024

Osnovne informacije o projektu

OFF Youth Experience predstavlja najnoviji program Telemach Omladinskog Film Festivala Sarajevo. Po principima i po uzoru na svjetski poznati Giffoni Film Festivala, OFF Youth Experience (OFF_YE) za misiju ima okupiti mlade ljubitelje filma i mlade filmaše iz regiona koji će kroz osam dana Festivala imati priliku gledati filmove, razmjenjivati mišljenja i družiti se sa mladima iz regije . Učešće na ovom programu Telemach Omladinskog Film Festivala ne donosi samo priliku za razvijanje znanja o filmu već za one najbolje i najaktivnije mogućost sudjelovanja i razmjene na regionalnim i evropskim partnerskim festivalima Telemach OFF-a. Osmodneveni program, učesnicima donosi projekcije kratkog filma, nakon kojih će imati priliku razmjenjivati svoja mišljenja kako sa voditeljima programa i drugim učesnicima tako i filmskim profesionalcem. Jedinstvenost programa je i to što su svi učesnici OFF_YE programa ujedno i u ulozi omladinskog žirija. To uključuje gledanje kratkih i dugih filmova, prisustvo na panel i talks programima kao i formalnim i neformalnim druženjima. Osim projekcija kratkog filma, učesnici će prisustvovati OFF Talks programima sa nekim od najvećih mladih filmskih zvijezda regiona i Evrope, kao i širiti svoja znanja kroz programe OFF Mastermind, gdje će predavati mladi profesionalci iz digitalnog i filmskog svijeta. OFF_YE se jednim djelom bazira na “host families” programu, gdje mladi iz drugih zemalja dolaze na razmjenu u Sarajevo a nakon toga su i sami domaćini svojim kolegama iz Sarajeva. U ovom programu učestvuju 60 mladih ljudi. Planirano je da učesnici OFF_YE programa pogledaju ukupno 30 kratkih filmova te 10 dugometražnih filmova u 8 dana, te prisustvuju na preko 5 OFF Talks programa i radionica.

OFF Youth Experience se fokusira na mlade ljude u dobi od 15 do 19 godina, tačnije srednjoškolce. Pravo učešća, kroz prijavu ili razmjenu imaju svi srednjoškolci iz Bosne i Hercegovine i cijele Evrope, a prioritet imaju učesnici fokusne regije Z. Balkana odnosno iz zemalja partnera.

Zemlje partneri u programu putem kojih se može vršiti razmjena su: Hrvatska, Srbija, Crna Gora, Kosovo, S. Makedonija, Grčka i Bugarska.

Osim osnovnog pravila, da učesnik/ca pohađa srednju školu, OFF traži komunikativne mlade osobe koje su spremne za timski rad i željne iskazivanja i razmjene mišljenja o filmu i filmskim temama, kulturne i pristojne, spremne da uče i stvaraju nova prijateljstva i kontakte.

Učesnici OFF_YE programa imaju obavezu da prisustvuju svim događajima i projekcijama programa, a informacije za selektovane učesnike bit će objavljene nakon zvanične selekcije. Prijave su otvorene od 15.02.2024.godine putem servisnog portala Telemach OFF-a.

Pravila za domaćine i porodice

Učesnici sa područja grada Sarajeva, na osnovu svojih mogućosti, također imaju priliku ugostiti međunarodne učesnike iz regiona i sudjelovati u partnerskoj razmjeni sa festivalima iz Srbije, Mađarske, Bugarske i Sjeverne Makedonije. Vrijedi naglasiti, da troškove budućih razmjena kao što su smještaj, prevoz i boravak u zemljama partnera pokriva Festival. Osim navedenih pravila za učesnike, porodice domaćina trebaju biti u mogućosti da ugoste jednu do dvije mlade osobe koje su iste dobi kao njihova djeca ili dijete.

Festival će imenovati osobe zadužene za koordinaciju "host families" i kompletno svih aktivnosti. Učesnici koji ugoste svoje vršnjake u Sarajevu, imaju prednost pri razmjeni na film festivalima koji slijede odmah nakon Telemach OFF-a.

Po planu je da program ima 60 učesnika od čega: 10 učesnika kroz saradnju sa Giffoni Film Festivalom S. Makedonija, i to iz država Srbija, Grčka, Kosovo, S. Makedonija i Bugarska, 10 učesnika iz Hrvatske, kroz saradnju sa Hvar Film Festivalom – svih 20 učesnika planirano je da budu smješteni po principu "host families", a da ti učesnici u periodu septembar-decembar 2024.godine ugoste svoje vršnjake tokom partnerskih Festivala. Pored toga, u programu će biti 10 učenika iz Srebrenica i Bratunca te 30 učesnika putem direktne prijave. Festival će obezbjediti smještaj za sve koji nisu smješteni po principu "host families". U svim varijantama i opcijama smještaja, učesnici, odnosno njihove organizacije snose troškove puta.